



Na osnovu člana 23 stava 2 tačke d Statuta Brčko distrikta BiH («Službeni glasnik Brčko distrikta BiH» broj 3/07) i članova 76 i 77 Poslovnika Skupštine Brčko distrikta BiH – prečišćeni tekst («Službeni glasnik Brčko distrikta BiH» broj 11/03), Skupština Brčko distrikta BiH na 65. redovnoj sjednici, održanoj 31. marta 2008. godine, donosi

**O D L U K U**  
**O ODRŽAVANJU JAVNE RASPRAVE O NACRTU**  
**ZAKONA O INSPEKCIJAMA U BRČKO DISTRIKTU BiH**

**Član 1**

Ovom odlukom uređuje se način održavanja javne rasprave o Nacrtu zakona o inspekcijama u Brčko distriktu BiH.

**Član 2**

Nosioци aktivnosti sprovođenja javne rasprave su Zakonodavna komisija Skupštine Brčko distrikta BiH i Vlada Brčko distrikta BiH.

**Član 3**

Zadužuje se Vlada Brčko distrikta BiH da bez odlaganja, nakon usvajanja ove odluke Nacrt zakona iz člana 1 ove odluke dostavi Privrednoj komori Brčko distrikta BiH i Udruženju poslodavaca Brčko distrikta BiH, te da ga učini dostupnim na web-stranici Vlade Brčko distrikta BiH.

**Član 4**

Javna rasprava održat će se 3. aprila 2008. godine u velikoj sali Doma kulture, s početkom u 19 sati.

**Član 5**

Finansijska sredstva za organizovanje i sprovođenje javne rasprave obezbijedit će Vlada Brčko distrikta BiH.

**Član 6**

Nakon sprovedene javne rasprave Zakonodavna komisija će sumirati kompletnu raspravu i podnijeti Skupštini izvještaj s prijedlozima i mišljenjima s javne rasprave.

**Član 7**

Zapisnik s javne rasprave bit će dostavljen šefovima zastupničkih klubova i nezavisnim zastupnicima Skupštine Brčko distrikta BiH, najmanje sedam (7) dana prije nego što se Nacrt zakona uputi u proceduru drugog čitanja.

**Član 8**

Ova odluka stupa na snagu danom donošenja i objavit će se u «Službenom glasniku Brčko distrikta BiH».

Broj: 0-02-022-56/08  
Brčko, 31. marta 2008. godine

PREDSJEDNIK  
SKUPŠTINE BRČKO DISTRIKTA BiH  
**Prof. dr. Milan Tomić, s.r.**